



## Općinski načelnik

Broj: 01-04-15-5198-12/22  
Busovača, 23.03.2023. godine

Općinski načelnik, na osnovu člana 69. stav 2. tačka e) i člana 70. stav 4. Zakona o javnim nabavkama BiH («Službeni glasnik BiH», broj: 39/14) i člana 38. Statuta Općine Busovača – prečišćeni tekst («Službeni glasnik Općine Busovača», broj: 8/13), na Preporuku Komisije za javne nabavke, broj: 01-04-15-5198-11/22 od 22.03.2023. godine, u postupku javne nabavke po otvorenom postupku za javnu nabavku radova – Utopljanje zgrade NK Busovača,  
**d o n o s i**

### **ODLUKU o poništenju postupka**

1. Prihvata se Preporuka Komisije za javne nabavke, broj: 01-04-15-5198-11/22 od 22.03.2023. godine, te se poništava postupak javne nabavke po otvorenom postupku za javnu nabavku radova – Utopljanje zgrade NK Busovača broj: 01-04-15-5198/22 (broj Obavještenja o nabavci: 1176-1-3-46-3-36/22 od 11.11.2022.godine), jer je cijena svih prihvatljivih ponuda znatno veća od osiguranih sredstava za predmetnu nabavku.
2. Ovom odlukom poništava se Odluka o izboru drugorangiranog ponuđača br: 01-04-15-5198-10/22 od 09.01.2023.godine
3. Ova Odluka stupa na snagu danom donošenja i objavit će se na web stranici Općine Busovača [www.opcina-busovaca.com](http://www.opcina-busovaca.com), u skladu sa Zakonom o javnim nabavkama, te istovremeno uputiti ponuđačima koji su učestvovali u postupku javne nabavke, u skladu sa Zakonom o javnim nabavkama

### **Obrazloženje**

Postupak javne nabavke radova – Utopljanje zgrade NK Busovača pokrenut je Odlukom o pokretanju postupka javne nabavke, broj: 01-04-15-5198/22 od 10.11.2022. godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je 82.000,00 KM.

Obavještenje o nabavci i tenderska dokumentacija su objavljeni na Portalu javnih nabavki AJN dana, 11.11.2022. godine, pod brojem: 1176-1-3-46-3-36/22. Sažetak obavještenja objavljen je u Službenom glasniku BiH, broj: 76/22 od 18.11.2022. godine.

Zapisnikom o Zaprimanju ponuda konstatovano je da su zaprimljene ponude sljedećih ponuđača:

1. OR Jerolim Busovača
2. Tenneco ing d.o.o. Kiseljak
3. Sigma-SK d.o.o. Zenica
4. Bajrić BN d.o.o. Travnik
5. Vizija d.o.o. Visoko
6. Dže-ka gradnja d.o.o. Visoko
7. Kristal d.o.o. Živinice

Zapisnikom o ocjeni ponuda, broj: 01-04-15-5198-7/22 od 09.12.2022. godine Komisija je konstatovala da su sve pristigle ponude prihvatljive, odnosno da ispunjavaju uslove propisane Tenderskom dokumentacijom. Navedeno je detaljno obrazloženo tačkom 5. Zapisnika o ocjeni ponuda u kojem je naveden analitički prikaz prihvatljivosti ponuda prema obliku, sadržaju i potpunosti.

08.12.2022. godine u 13:00 sati je održana e-aukcija. Konačna rang lista nakon e-aukcije bila je sljedeća:

Red. broj	Naziv/ime ponuđača	Ponuđena cijena (bez PDV-a)	Procent umanjenja ukupne ponuđene cijene nakon završene E-aukcije
1.	«VIZIJA» d.o.o. Visoko,	<b>35.000,00</b>	<b>67,65%</b>
2.	« DŽE-KA GRADNJA » d.o.o.Visoko	36.000,00	67,07%
3.	«TENNECO ING »d.o.o.Kiseljak	90.150,00	9,84%
4.	OR «JEROLIM » Busovača	96.286,50	0%
5.	« SIGMA-SK» d.o.o.Zenica	93.280,00	0%
6.	«BAJRIĆ BN» d.o.o. Travnik	101.600,65	0%
7.	« KRISTAL» d.o.o. Živinice	114513,00	0%

Kriterij za dodjelu ugovora je najniža cijena.

Nakon održane e-aukcije, na preporuku Komisije za javne nabavke Općinski načelnik donio je Odluku o izboru najpovoljnijeg ponuđača br: 01-04-15-5198-9/22 od 10.12.2022.godine, prema kojoj je ugovor dodijeljen prvorangiranom ponuđaču Vizija d.o.o. Visoko, te je isti obavezan da dostavi dokumentaciju iz člana 45. Zakona o javnim nabavkama, onako kako je definisano tačkom 12.1. Tenderske dokumentacije u roku od 10 dana.

Izabrani ponuđač nije dostavio zahtijevanu dokumentaciju, te je ugovorni organ u skladu sa članom 72. stav 3 tačka a) Zakona o javnim nabavkama donio Odluku o dodjeli ugovora drugorangiranom ponuđaču br.: 01-04-15-5198-10/22 od 09.01.2023. kojoj je ugovor dodijeljen ponuđaču DŽE-KA gradnja. Istom odlukom drugorangirani ponuđač je pozvan da dostavi potpunu dokumentaciju iz člana 45. Zakona o javnim nabavkama onako kako je definisano tačkom 12.1. Tenderske dokumentacije u roku od 10 dana.

Drugorangirani ponuđač nije dostavio potpunu dokumentaciju u roku od 10 dana od prijema Odluke.

Nakon što ni drugorangirani ponuđač nije dostavio dokumentaciju iz člana 45. Zakona u postupku su ostale kao prihvatljive ponude:

«TENNECO ING »d.o.o.Kiseljak	90.150,00 KM
OR «JEROLIM » Busovača	96.286,50 KM
« SIGMA-SK» d.o.o.Zenica	93.280,00 KM
«BAJRIĆ BN» d.o.o. Travnik	101.600,65 KM
« KRISTAL» d.o.o. Živinice	114513,00 KM

Navedene ponude prelaze procijenjenu vrijednost postupka javne nabavke (82.000,00 KM), ali su formalno prihvatljive, te su kao takve i unesene u sistem e-aukcije, što je u skladu sa zvaničnim stavom Agencije za javne nabavke koja je zauzela stav da je postupak e-aukcije način provođenja novih cijena, izmijenjenih naniže, a odvija se nakon početne ocjene ponuda. (dostupan na web stranici: <https://www.javnenabavke.gov.ba/bs-Latn-BA/articles/143/provedenje-konkurentski-zahtjev-za-dostavu-ponuda-sa-predvi-enom-e-aukcijom-sve-cetiri-pristigle-ponude-su-prihvatljive-ali-dvije-prelaze-vrijednosni-razred-od-50-000-00km-da-li-i-ove-dvije-ponude-koje-prelaze-50-00000km-mogu-sudjelovati-na-e-aukciji-obzirom-da-prelaze-vrijednosni-razred-konkurentskog-zahtjeva>).

U situaciji kada ugovorni organ treba da dodijeli ugovor ponuđaču čija ponuda prelazi procijenjenu vrijednost nabavke, a cijene svih prihvatljivih ponuda su znatno veće od osiguranih sredstava koje organ ne može obezbijediti, ugovorni organ primjenjuje član 69. stav 2. tačka e) Zakona o javnim nabavkama, kojim je definisano da ugovorni organ poništava postupak javne nabavke.

Predmetni postupak koji se poništava predviđen je Planom javnih nabavki za 2022. godinu r.br.III33.

Kao izvor finansiranja u Planu navedeni su:

Federalno ministarstvo prostornog uređenja, građenja, zaštite okoliša, povratka i stambenih poslova, te Budžet Općine Busovača.

Općina Busovača i Federalno ministarstvo sklopili su Ugovor br.:01-19-1-3451/22 od 21.07.2022.godine o sufinansiranju projekta: „Utopljanje zgrade NK Busovača“, shodno kojem se navedeno Ministarstvo obavezalo sudjelovati u projektu u ukupnom iznosu od 50.000,00 KM. Ostatak sredstava do procijenjene vrijednosti, odnosno 32.000,00 KM dužna je obezbijediti Općina Busovača, kako je i predviđeno Budžetom za 2022. godinu.

Sljedeća prihvatljiva ponuda je ponuda ponuđača Tenneco.ing d.o.o. Kiseljak u iznosu od 90.150,00 KM, koja prelazi procijenjenu vrijednost za 8.150,00 KM. Ostale ponude prelaze procijenjenu vrijednost u iznosima kako je prikazano u tabeli nakon e-aukcije. Nedostajuća sredstva predstavljaju znatno veću vrijednost od procijenjene vrijednosti ugovora, a koja sredstva Općina Busovača ne može obezbijediti.

Prilikom donošenja ove Odluke, ugovorni organ je posebno cijenio činjenicu da se u konkretnom slučaju radi o utopljanju zgrade nogometnog kluba, te okončanje postupka uz osiguranje dodatnih sredstava nije od hitnog, prioritetnog značaja. U skladu sa načelom ekonomičnosti iz člana 4. Zakona o budžetima u Federaciji BiH („Službene novine FBiH“, broj 102/13, 9/14, 13/14, 8/15, 9/15, 102/15, 104/16, 5/18, 11/19 i 99/19) ovaj organ je ocijenio da između zadovoljavanja dvije vrste javnog interesa: uštede nedostajućih sredstava i završetka projekta značajnog za lokalnu zajednicu, veći prioritet ima ušteta javnih sredstava, obzirom da se postupak javne nabavke može ponovo provesti za istu nabavku.

Također, bitno je napomenuti da je 10.12.2022. na snagu stupio Zakon o izmjenama i dopunama Zakona o javnim nabavkama (Službeni glasnik BiH br.: 59/22), prema kojim je svaka ponuda koja je preko procijenjene vrijednosti neprihvatljiva. Izmjene i dopune se ne primjenjuju na postupak koji se dispozitivom ove Odluke poništava (jer je pokrenut za vrijeme važenja ZJN 39/14), ali je opravdano za očekivati da će ugovorni organ u novopokrenutom postupku kao prihvatljive imati samo ponude koje su u okviru procijenjene vrijednosti.

Na osnovu izloženog, a u skladu sa članom 69. stav 2. tačka e) Zakona o javnim nabavkama BiH, donesena je Odluka kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Općinskom načelniku u roku od deset (10) dana od dana prijema ove Odluke

Dostaviti:

1. Ponuđačima 7x,
2. Sl.za fin.i trezor,
3. U spis,
4. a/a.

OPĆINSKI NAČELNIK  
Asim Mekić, dipl.ing.